

Պրոլետարներ թուր երկրների, միացե՛ք:

---

ՀԿՊ ԿԵՆՏԿՈՄԻ

ՊՐՈՊԱԳԱՆԴԱՅԻ ԵՎ

ԱԳԻՏԱՅԻԱՅԻ ԲԱԺԻՆ

# Ագիտացիոն ԲՆԱԿՆՈՏ

№ 19

ՀՈԿՏԵՍ ԲԵՐ

1959

## ԲՈՎԱՆԴԱԿՈՒԹՅՈՒՆ

Կուրսեր զեկուցումների և զբույցների համար Հովտեմբերյան Սոցիալիստական Մեծ ռևոլյուցիայի 42-րդ տարեգարձը . . . . .	1
Նգրալիստական սոցիալիստական երկրներում Սլոնական Ժողովրդական ռեսպուբ- լիկայի նոր հաջողությունները . . . . .	45

Խմբագրության հասցեն—Երևան, ՀԿՊ Կենտկոմ,  
II հարկ, 60-րդ սենյակ, Հեռախոս՝ 2—52—78:

## ՆՅՈՒԹԵՐ ԶԵԿՈՒՑՈՒՄՆԵՐԻ ԵՎ ԶՐՈՒՅՑՆԵՐԻ ՀԱՄԱՐ

### ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ ՌԵՎՈԼՅՈՒՑԻԱՅԻ 42-ՐԴ ՏԱՐԵԴԱՐԶԸ

1959 թվականի նոյեմբերի 7-ին Սովե-  
տական Միության ժողովուրդները, սոցիա-  
լիզմի լազերի երկրների աշխատավորները,  
ամբողջ աշխարհի առաջադեմ մարդկու-  
թյունը նշում են Հոկտեմբերյան Սոցիալիս-  
տական Մեծ ռևոլյուցիայի հաղթանակի  
42-րդ տարեգարձը:

42 տարի է անցել այն ժամանակաշրջա-  
նից, երբ մեր երկրի բանվոր դասակարգը,  
չբավոր գյուղացիության հետ դաշնակցած,  
Կոմունիստական պարտիայի ղեկավարու-  
թյամբ տապալեց կալվածատերերի և կա-  
պիտալիստների տիրապետությունը Ռուսաս-  
տանում և հաստատեց պրոլետարիատի դիկ-  
տատուրա, ստեղծեց բանվորների և գյուղա-



5933-59



ցիների աշխարհում առաջին սոցիալիստական պետութիւնը:

Հոկտեմբերյան ռևոլյուցիայի կազմակերպիչ ու ռգեշնչող Կոմունիստական պարտիան նախընթաց ամբողջ գործունեութեամբ նախապատրաստված էր իր այդ մեծագույն միսիան կատարելու համար: Քաղաքական մարտերում կոփված, մարքսիզմ-լենինիզմի ամենահաղթ տեսութեամբ զինված, ժողովրդի հետ անխզելիորեն կապված Կոմունիստական պարտիան վստահորեն ու համարձակ կերպով բանվոր դասակարգին և չքավորագույն գյուղացիութեանը գրոհի տարով ցարիզմի և կապիտալիզմի դեմ:

Հոկտեմբերյան ռևոլյուցիան վերջ տվեց բոլոր և ամեն տեսակ սոցիալական և ազգային ճնշմանը, սկիզբ դրեց աշխատավորների իսկական իրավահավասարութեանը, բոլոր ժողովուրդների եղբայրութեանը, ստեղծեց այնպիսի հասարակարգ, որտեղ վերացված են շահագործող դասակարգերը, ոչնչացված է մարդու շահագործումը մարդու կողմից:

Հոկտեմբերյան ռևոլյուցիայի հաղթանակի շնորհիվ մեր երկրում հաստատվեց բանվոր դասակարգի քաղաքական տիրապետութիւնը՝ պրոլետարիատի դիկտատուրան:

— 2 —

Պատմութեան մեջ առաջին անգամ ժողովուրդը դարձավ իր բախտի, իր երկրի տերը, գործարանները, ֆաբրիկաները, երկաթուղիները, բանկերը, հողը և նրա ընդերքը դարձան համաժողովրդական սեփականութիւն:

Մարդկութեան պատմութիւնը ռևոլյուցիոն շատ սխրագործութիւններ գիտե, բայց դրանցից ոչ մեկը չի կարող համեմատվել Հոկտեմբերյան ռևոլյուցիայի հետ: 1917 թվականի Հոկտեմբերյան հաղթանակն իրեն հավասարը չունի, քանի որ այն առաջին անգամ ճեղքեց իմպերիալիզմի ճակատը, մարդկութեան պատմութեան մեջ սկիզբ դրեց նոր դարաշրջանի՝ կապիտալիզմի կործանման և սոցիալիզմի ու կոմունիզմի կառուցման դարաշրջանին:

Կապիտալիստական շրջապատման պայմաններում, վիժեցնելով միջազգային իմպերիալիզմի շարանենդ դիտավորութիւնները, ընկճելով դասակարգային թշնամիների կատաղի դիմադրութիւնը, սովետական ժողովուրդը Կոմունիստական պարտիայի ղեկավարութեամբ ձեռնամուխ եղավ խաղաղ սոցիալիստական շինարարութեան:

Կոմունիզմի մեծ ճարտարապետ Վ. Ի. Լենինը մշակեց մեր երկրում սոցիալիզմի ու



կոմունիզմի կառուցման գիտականորեն հիմնավորված ծրագիրը, տրի բաղկացուցիչ մասերն են՝ երկրի սոցիալիստական ինդուստրացում և ամենից առաջ ծանր արդյունաբերության բազմակողմանի զարգացում, ամբողջ ժողովրդական տնտեսության էլեկտրիֆիկացում, սոցիալիստական հիմունքներով գյուղատնտեսության վերափոխում, կուլտուրական ունելյուցիայի իրականացում:

Կոմունիստական պարտիան հաջողությամբ իրականացնելով երկրի ինդուստրացման և գյուղատնտեսության կոլեկտիվացման լենինյան քաղաքականությունը, ապահովեց սոցիալիզմի վերջնական հաղթանակը մեր երկրում, հարթեց ամբողջ մարդկության պայծառ ապագայի լայն ուղին:

Երկրորդ համաշխարհային պատերազմի տարիներին սովետական ժողովուրդը մեկ մարդու նման ոտքի ելավ և հիտլերյան հրոսակախմբերից պաշտպանեց Մեծ Հոկտեմբերի նվաճումները, իր Հայրենիքի ազատությունը, պատիվն ու անկախությունը: Սովետական Միությունը միաժամանակ պատվով կատարեց իր ինտերնացիոնալ պարտքը՝ եղբայրական օգնության ձեռք մեկնելով իրենց ազատության և անկախության համար պայքարի ելած Եվրոպայի և Ասիայի մի

— 4 —

շարք ժողովուրդների, որոնք թևակոխեցին զարգացման սոցիալիստական ուղին:

Սոցիալիզմի հաղթանակը և կոմունիստական շինարարության ծավալը ՍՍՄՄ-ում, սոցիալիզմի համաշխարհային սիստեմի ստեղծումը, խաղաղության և դեմոկրատիայի ուժերի աճն ու ամրապնդումը Հոկտեմբերյան ունելյուցիայի, լենինիզմի գաղափարների մեծագույն տրիումֆն են:



Հոկտեմբերյան Սոցիալիստական Մեծ ունելյուցիայի 42-րդ տարեդարձը սովետական ժողովուրդը դիմավորում է ժողովրդական տնտեսության, գիտության ու կուլտուրայի զարգացման բոլոր բնագավառներում ձեռք բերած վիթխարի հաջողություններով: Սովետական ժողովուրդը նշանակալից հաջողություններ է ձեռք բերել առանձնապես ՍՄԿՊ XX համագումարից հետո ընկած ժամանակաշրջանում: Այդ շրջանում պարտիայի և կառավարության իրականացրած արդյունաբերության ու շինարարության կառավարման վերակառուցումը և ժողտնտխորհների ստեղծումը, միութենական ոսպուրլիկաների, տեղական օրգանների և ձեռնարկությունների իրավունքների ընդլայ-

— 5 —



նումը, պլանավորման վերակառուցումը էկո-  
նոմիկայի զարգացման հեռանկարային  
պլանների մշակումը, ՄՏ կայանների վե-  
րակազմումը և կոլտնտեսային կարգի հե-  
տագա զարգացման միջոցառումները, գյու-  
ղատնտեսական մթերքների մթերումների  
կարգի փոփոխումը և միասնական գների  
հաստատումը, քիմիական ու գազի արդյու-  
նաբերության զարգացման, բնակարանային  
շինարարության միջոցառումները, դպրոցի  
վերակառուցումը, արհմիությունների իրա-  
վունքների ընդլայնումը և այլն տվել են ի-  
րենց դրական արդյունքները:

Մեր Հայրենիքի հսկայական տարածու-  
թյունների վրա Բալթիկայից մինչև Խաղաղ  
օվկիանոսի ափերը, Հյուսիսային բևեռից  
մինչև Պամիրի լեռնաշղթան, վառվում են  
արդյունաբերական կենտրոնների կրակները,  
ծաղկում են կոլտնտեսությունների և սով-  
խոզների դաշտերը, եռում են կոմունիզմի  
միլիոնավոր կառուցողների ստեղծագործ աշ-  
խատանքը: Մեր աչքերի առջև տեղի է ունե-  
նում նոր քաղաքների, էլեկտրակայանների  
շինարարությունը, փոխվում է գետերի հու-  
նը, յուրացվում են տասնյակ միլիոնավոր  
հեկտար խամ ու խոպան հողեր, գցվում են  
երկաթուղային մագիստրալներ, մարդուն է

— 6 —

ծառայեցվում ատոմային միջուկի անսպառ  
էներգիան. երկրի և Արեգակի շուրջը կոսմի-  
կական երթ են կատարում սովետական ար-  
բանյակները: Մենք ապրում ենք այնպիսի  
դարաշրջանում, երբ աշխատավոր մասսա-  
ների քրտնաջան աշխատանքով վեր է բարձ-  
րանում նոր հասարակարգի՝ կոմունիզմի  
վիթխարի շենքը:

ՍՍԿՊ XXI համագումարը նոր փառավոր  
էջ բացեց մեր երկրի պատմության մեջ,  
նշանավորեց նրա էկոնոմիկայի և կոլտու-  
րայի վերելքի նոր, կարևոր աստիճանը, ամ-  
փոփեց անցած ուղու արդյունքները, պար-  
տիային և ամբողջ ժողովրդին զինեց կոմու-  
նիզմի կառուցման հոյակապ ծրագրով:

Կոմունիստական պարտիան առաջնակարգ  
նշանակություն է տալիս ժողովրդական  
տնտեսության բոլոր ճյուղերի զարգացման,  
երկրի անկախության և պաշտպանունակու-  
թյան ամրապնդման հիմքի՝ ծանր ինդուս-  
տրիայի զարգացմանը: Թե ինչպիսի հրաշա-  
լի արդյունքներ են ձեռք բերվել մեզ մոտ  
այդ բնագավառում, երևում է թեկուզ նրա-  
նից, որ 1958 թվականին, 1913 թվականի  
համեմատությամբ, արդյունաբերության հա-  
մախառն արտադրանքն ավելացել է 36 ան-  
գամ, ընդ որում արտադրության միջոցների

— 7 —



արտադրութիւնը՝ 83 անգամ, իսկ մեքենա-  
շինութեան և մետաղամշակման արտադրան-  
քը՝ 240 անգամ:

1957 թվականին մեր երկիրը յուրաքան-  
չյուր 7 օրում այնքան արդյունաբերական  
արտադրանք է տվել, որքան ամբողջ 1917  
թվականին:

Մենք զգալիորեն ավելի շատ շուգուն ենք  
արտադրում, քան Անգլիան, Ֆրանսիան և  
Բելգիան միասին վերցրած, իսկ պողպատ  
այնքան որքան Անգլիան, ԳՖՄ և Իտալիան  
միասին: Մեզ մոտ յուրաքանչյուր ամիս ավելի  
շատ պողպատ է ձուլվում և նավթ ար-  
դյունահանվում, քան ամբողջ 1913 թվա-  
կանին, իսկ յուրաքանչյուր 3 օրում արտա-  
դրվում է այնքան էլեկտրաէներգիա, որքան  
նախահռոյտը Ռուսաստանում մեկ տա-  
րում: Սպառման ապրանքների արտադրու-  
թիւնը 1913 թվականի համեմատութեամբ,  
ավելացել է 14 անգամ, իսկ կուլտուր-կեն-  
ցաղային առարկաներինը՝ 45 անգամ:

Կապիտալիզմի և սոցիալիզմի տնտեսա-  
կան մրցութեան մեջ վերջին տարիներին  
Սովետական Միութիւնը ԱՄՆ-ից անցել է  
ոչ միայն աճման տեմպերով, այլև արտա-  
դրանքի շատ տեսակների՝ առանձնապես  
երկաթի, շուգունի, պողպատի, նավթի, ած-

— 8 —

խի, ցեմենտի, բրդյա գործվածքեղենի ամե-  
նամյա բացարձակ աճով: 1965 թվականին  
արտադրանքի մի շարք կարևորագույն տե-  
սակների գծով ՍՍՌՄ-ը կգերազանցի, իսկ  
մյուս տեսակների գծով կմոտենա ԱՄՆ-ի  
արդյունաբերական արտադրութեան ժամա-  
նակակից մակարդակին: Յոթնամյակն ավարտելուց  
հետո կանցնի ևս 5 տարի, գու-  
ցե և պակաս ու կլուծվի ՍՍՌՄ հիմնական  
տնտեսական խնդիրը:

Կոնսորու թվերով նախատեսվում են ար-  
դյունաբերութեան բոլոր ճյուղերում, առանձ-  
նապես ծանր ինդուստրիայում արտադրու-  
թեան զարգացման բարձր տեմպեր և բա-  
ցարձակ մեծ աճ: Յոթնամյակում այնքան  
արդյունաբերական արտադրանք է արտա-  
դրվելու, որքան Սովետական իշխանութեան  
անցած բոլոր 41 տարիներին: Արդյունաբե-  
րութեան համախառն արտադրանքի ծավալը  
1965 թվականին, 1958 թվականի համեմա-  
տութեամբ, ավելանալու է մոտավորապես  
80 տոկոսով: Յոթնամյակի ընթացքում ար-  
դյունաբերական արտադրանքի ծավալի մե-  
ծացումը հավասար կլինի վերջին 20 տա-  
րում արտադրանքի աճին:

Յոթնամյակում պողպատի ձուլման միայն  
աճը կկազմի 31—36 միլիոն տոննա, մինչ-

— 9 —



դեռ վեց տարի առաջ մեր երկրի ամբողջ արտադրանքը կազմում էր ընդամենը 34,5 միլիոն տոննա, իսկ Արևմտյան Գերմանիան 1957 թվականին արտադրել է 28 միլիոն տոննա, Անգլիան՝ 22 միլիոն տոննա պողպատ:

Նավթարդյունաբերությունը, որը հարյուր տարուց ավելի է ինչ գոյություն ունի, իր արտադրանքը հասցրել է 113 միլիոն տոննայի, այնինչ յոթնամյակում այն ավելանալու է 127 միլիոն տոննայով:

Ֆոսֆատյակում ավելի շատ է ներգետնիկ կարողություն է ստեղծվելու, քան մինչև այժմ գոյություն ունեցողները և գրեթե հավասար կլինի իրենց ամբողջ պատմության ընթացքում Անգլիայի, Ֆրանսիայի և Արևմտյան Գերմանիայի ստեղծած կարողությունը միասին վերցրած, այլ կերպ ասած էլեկտրակայանների կարողության նախատեսված աճը հավասար կլինի 100 Դնեպրոգէսի կամ 1000 Վոլխովշինի: Նախառևոյցից իրեն Ռուսաստանը պողպատի արտադրությամբ գրավում էր վերջին տեղերից մեկը, յոթնամյակի վերջերին Սովետական Միությունը տարեկան կձուլի մոտ 90 միլիոն տոննա պողպատ, որն ավելի կլինի, քան

— 10 —

ներկայումս ձուլում են Եվրոպայի բոլոր կապիտալիստական երկրները:

Սև մետաղների գլանվածքի արտադրության միայն աճը կկազմի մոտ 25 միլիոն տոննա: Ֆոսֆատյակում շարք կմտնեն Մագնիտագորսկի կոմբինատին հավասար 20 կոմբինատներ: 1965 թվականին միայն մեկ օրում մեքենաշինության ու մետաղամշակման արտադրանքը հավասար կլինի նախառևոյցից իրեն Ռուսաստանի ամբողջ 1913 թվականի արտադրանքին:

Առանձնապես բուռն զարգացում է ապրելու քիմիական արդյունաբերությունը: Ֆոսֆատյակում քիմիական արտադրանքի թողարկումը ավելանալու է մոտ 3 անգամ: Պետք է կառուցվի կամ ավարտվի ավելի քան 140 խոշոր քիմիական ձեռնարկությունների շինարարությունը, վերակառուցվելու է ավելի քան 130 ձեռնարկություն:

Մեծ Հոկտեմբերի պանծալի տարեդարձը սովետական ժողովուրդը դիմավորում է ՍՄԿՊ XXI համագումարի որոշումների կենսագործման համար համաժողովրդական լարված պայքարի իրադրության մեջ, յոթնամյա պլանի առաջին տարվա առաջադրանքների կատարման գործում ձեռք բերած հիանալի հաջողություններով:

— 11 —



Համագումարից հետո ամացած ամիսներին արդյունքները ցույց են տալիս, որ սովետական ժողովուրդը լավ է սկսել յոթնամյակը: Արդյունաբերության համախառն արտադրանքի թողարկման կիսամյա պլանը կատարված է 105 տոկոսով: 1958 թվականի առաջին կիսամյակի համեմատությամբ, արդյունաբերական արտադրանքի ծավալը մեծացել է 12 տոկոսով:

Բոլոր միութենական ռեսպուբլիկաները գերակատարել են արդյունաբերական արտադրանքի արտադրության կիսամյա պլանը:

1959 թվականի առաջին կիսամյակում արտադրվել է 21 միլիոն տոննա շուգուն, 29,3 միլիոն տոննա պողպատ, 23,1 միլիոն տոննա գլանվածք, 252 միլիոն տոննա ածուխ, 61,7 միլիոն տոննա նավթ, 126 միլիարդ կիլովատ-ժամ էլեկտրաէներգիա, 17,5 միլիարդ խորանարդ մետր գազ և այլն:

Աշխատանքի արտադրողականությունը, 1958 թվականի առաջին կիսամյակի համեմատությամբ, արդյունաբերության մեջ աճել է 8 տոկոսով, շինարարության մեջ՝ 9 տոկոսով: Ինքնարժեքի իջեցումից ստացված արտապլանային խնայողությունը կազմել է 4 միլիարդ ռուբլի:

— 12 —

1958 թվականի առաջին կիսամյակի համեմատությամբ արտադրվել են 144 միլիոն քառակուսի մետրով ավելի գործվածքներ, 16 միլիոն զույգով ավելի կաշվե կոշիկներ, 20 միլիոն հատով ավելի տրիկոտաժե ներքնազգեստ, 3,4 միլիոն հատով ավելի տրիկոտաժե վերնազգեստ, 50 հազար տոննայով ավելի յուղ, 690 հազար տոննայով ավելի անարատ կաթնամթերք և այլն:

Բոլոր ռեսպուբլիկաները և ժողտնտխորհները մտնելով մեծ Հոկտեմբերի պատվին ծավալված սոցիալիստական մրցության մեջ պարտավորվել են ժամկետից շուտ կատարել արդյունաբերական արտադրանքի թողարկման տարեկան պլանը:

\*\*\*

Մեծ Հոկտեմբերի 42-րդ տարեդարձը արժանավայել են դիմավորում կոլտնտեսային գյուղի աշխատավորները:

Լենինյան կոոպերատիվ պլանի հիման վրա գյուղատնտեսության համատարած կոլեկտիվացումը իսկական ռևոլյուցիոն հեղաշրջում էր սովետական հասարակության զարգացման գործում: Կոլտնտեսային կարգի հաղթանակը գյուղացիությանն ընդմիշտ փրկեց կուլակային շահագործումից,

— 13 —



նրա առաջ լայնորեն բացեց ունևոր և կուլ-  
տուրական կյանքի ուղին: Կուլտնտեսային  
կարգը ՍՍՌՄ-ը դարձրել է աշխարհում ա-  
մենախոշոր և առաջնակարգ հողագործա-  
կան երկիրը, անսահման հորիզոններ է բա-  
ցել կոմունիզմի կառուցման գործում բազ-  
մամիլիոն մասսաների ստեղծագործական  
նախաձեռնության, աշխատանքային հերո-  
սության համար:

Վերջին տարիներին պարտիան համարձա-  
կորեն, լենինյան ուղղամտությամբ բացա-  
հայտեց գյուղատնտեսության ղեկավարման  
գործում տեղ գտած թերություններն ու  
սխալները, բարձրացրեց կուլտնտեսական-  
ների շահագրգռվածությունը իրենց աշխա-  
տանքի արդյունքների նկատմամբ, վերա-  
կառուցեց գյուղատնտեսության արտադրու-  
թյան պլանավորման սիստեմը, ապահովեց  
տասնյակ միլիոնավոր հեկտար խոպան ու  
խամ հողերի յուրացումը, իրականացրեց  
տեխնիկայի հանձնումը կուլտնտեսություն-  
ներին, մտցրեց գյուղատնտեսական մթերք-  
ների միասնական գներ: Այդ բոլորը տվեցին  
իրենց հիանալի արդյունքները: 1958 թվա-  
կանին մեր երկրում հավաքվել է 8 միլիարդ  
508 միլիոն փութ հաց: Կաթի ընդհանուր  
արտադրությամբ ՍՍՌՄ-ը 1958 թվականին

— 14 —

հասել է ԱՄՆ-ին, իսկ յուղի արտադրու-  
թյամբ ԱՄՆ-ին հասել է դեռևս 1957  
թվականին: ՍՍՌՄ-ը գերազանցում է ԱՄՆ-  
ին ցորենի արտադրության ծավալով ավելի  
քան 2 անգամ, շաքարի ճակնդեղի արտա-  
դրությամբ՝ մոտ 3 անգամ, բրդի արտա-  
դրությամբ՝ 2,5 անգամ: Յուղի և կաթի ար-  
տադրությամբ ՍՍՌՄ-ը գրավում է առաջին  
տեղն աշխարհում, բրդի արտադրությամբ՝  
երկրորդ տեղը:

Յոթնամյակի ընթացքում գյուղատնտեսու-  
թյան համախառն արտադրանքն ընդհանուր  
առմամբ ավելանալու է 1,7 անգամ: Յոթ-  
նամյակի վերջերին գյուղատնտեսության ա-  
ռանձին տեսակների արտադրությունը հաս-  
ցրվելու է հետևյալ չափերի. հացահատի-  
կինը՝ 10—11 միլիարդ փթի, շաքարի ճա-  
կընդեղինը՝ 76—84 միլիոն տոննայի, բամ-  
բակինը՝ 5,7—6,1 միլիոն տոննայի, մսինը՝  
(սպանդանոցային քաշով) 16 միլիոն տոն-  
նայի, կաթինը՝ 100—105 միլիոն տոննայի,  
կարտոֆիլինը՝ 147 միլիոն տոննայի, բան-  
ջարեղենինը՝ բնակչության պահանջմունք-  
ները լրիվ բավարարող չափերի:

Հողագործության բնագավառում առաջի-  
կա տարիներին գլխավոր գիծը այսուհետև  
նույնպես մնում է հացահատիկի արտա-

— 15 —



դրության ըստ ամենայնի ավելացումը, որը գյուղատնտեսական արտադրության հիմքն է: Այժմ ստեղծված են բոլոր պայմանները առաջիկա տարիներին հացահատիկային կուտուրաների մեկ հեկտարի բերքատու-  
թյունը միջին հաշվով 3—4 ցենտներով ավե-  
լացնելու համար: Անասնաբուծության բնա-  
գավառում յոթնամյակի գլխավոր խնդիրը  
մսի, կաթի, բրդի և ձվի արտադրության  
ավելացումն է:

Մսի տարեկան արտադրությունը պետք է  
հասցվի 16 միլիոն տոննայի, կաթինը 100—  
105 միլիոն տոննայի, բրդինը՝ մոտ 548  
հազար տոննայի, ձվինը՝ 37 միլիարդ հատի:

Այդ խնդրի կատարման շնորհիվ մեր գյու-  
ղատնտեսության աշխատողները հարյուր  
հեկտար հողատարածության դիմաց ստա-  
ցած մսի, կաթի և բրդի արտադրությամբ  
կգերազանցեն ԱՄՆ-ին: 1965 թվականին  
յուրաքանչյուր բնակչի կհասնի օրական 1,2  
լիտր կաթ, ամսական 6 կիլոգրամ միս:

Պարտիայի և կառավարության միջոցա-  
ռումների կենսագործման, մեր կուտնտեսու-  
յին գյուղացիության հերոսական աշխա-  
տանքի շնորհիվ վերելքի ուղիով է ընթա-  
նում սոցիալիստական գյուղատնտեսությու-  
նը:

— 16 —

Առանձնապես նշանակալից են անասնա-  
բուծության բնագավառում ձեռք բերված  
հաջողությունները: Խոշոր եղջերավոր անա-  
սունների գլխաքանակը, 1953 թվականի հա-  
մեմատությամբ, 1958 թվականի վերջին ա-  
վելացել է 15 միլիոն գլխով, ոչխարներինը՝  
մոտ 30 միլիոն գլխով, խոզերինը՝ 15,2 մի-  
լիոն գլխով:

1958 թվականին ՍՍՌՄ-ում հավաքվել է  
պատմության մեջ չտեսնված, ռեկորդային  
բերք՝ 8,5 միլիարդ փուխ հացահատիկ, կու-  
տնտեսությունները և սովխոզները պետու-  
թյանը հանձնեցին 3—5 միլիարդ փուխ ցո-  
րեն, 1953 թվականի 1,9 միլիարդ փխի դի-  
մաց:

1959 թվականի առաջին կիսամյակում,  
1958 թվականի նույն ժամանակամիջոցի  
համեմատությամբ, խոշոր եղջերավոր անա-  
սունների գլխաքանակն ավելացել է 1,7 մի-  
լիոն գլխով, խոզերինը՝ 6,3 միլիոն, ոչխար-  
ներինը՝ 7,5 միլիոն գլխով: Գեղական տարվել  
է գարնանացան կուտուրաների ցանքի  
պլանը: Բոլոր գյուղատնտեսական կուլտու-  
րաների 1959 թվականի ընդհանուր ցանքա-  
տարածությունը կազմում էր 196 միլիոն  
հեկտար, որը գրեթե 40 միլիոն հեկտարով



գերազանցում էր 1953 թվականի ցանքատարածությունը:

Խոշոր եղջերավոր անասունների գլխաքանակը կուտնտեսություններում և սովխոզներում առ 1-ր օգոստոսի 1959 թվականի, անցած տարվա համեմատությամբ, աճել է 16 տոկոսով, այդ թվում կովերինը՝ 10 տոկոսով: Առ 20-ը օգոստոսի գնվել է միս՝ 61, կաթ՝ 16, ձու՝ 29 և բուրդ՝ 16 տոկոսով ավելի շատ, քան անցած տարվա նույն ժամանակաշրջանում:

Քառասուն տարի սրանից առաջ, հանդես գալով ՌԿ(Բ)Պ VIII համագումարում Վ. Ի. Լենինը ասել է.

«Եթե վաղը մենք կարողանայինք տալ 100 հազար առաջնակարգ տրակտորներ, կարողանայինք բենզին մատակարարել նրանց, մեքենավարներ տալ (գուր շատ լավ գիտեք, որ սա առայժմ ֆանտազիա է), ապա միջակ գյուղացին կասեր. «Ես կողմնակից եմ կոմունային» (այսինքն՝ կոմունիզմին)»:

1958 թվականին մեր երկրի դաշտերում աշխատում էր 1 միլիոն 700 հազար տրակտոր, 500 հազար հացահատիկային կոմբայն, 700 հազար բեռնատար ավտոմեքենա և այլն: Յոթնամյակի տարիներին գյուղատնտեսությունն ստանալու է ևս մեկ միլիոն

— 18 —

տրակտոր և միլիոնավոր գյուղատնտեսական այլ մեքենաներ:



Սովետական ժողովրդի բարօրության ու բարգավաճման, նրա նյութական ու հոգևոր աճող պահանջմունքների բավարարման նրկատմամբ հոգատարությունը որոշում է Կոմունիստական պարտիայի և սովետական կառավարության գործունեության գլխավոր ուղղությունը: Մեր պարտիան դա համարում է իր հիմնական խնդիրը, մեծ Լենինի պատգամների կենսագործման ուղղությամբ իր ամբողջ աշխատանքի իմաստը: Ժողովրդի բարեկեցության բարձրացման ուղղությամբ ՍՄԿՊ XX համագումարից հետո իրականացվել են այնպիսի միջոցառումներ, ինչպիսիք են՝ բանվորների և ծառայողների ցածր վարձատրվող կատեգորիաների աշխատավարձի բարձրացումը, նախատոնական և նախահանգստյան օրերին աշխատանքային օրվա կրճատումը, ծանր արդյունաբերության մի շարք ճյուղերում կրճատ աշխատանքային օր մտցնելը, հղիության և ծննդաբերության շրջանում կանանց տրվող արձակուրդների ժամկետի երկարացումը,

— 19 —



ուսման վարձի վերացումը, պետական կենսաթոշակների նոր օրենքը և այլն:

Սովետական պետությունը վիթխարի գումարներ է հատկացնում սոցիալական ապահովագրման, թոշակների, կենսաթոշակների, ձրի ուսուցման, բժշկական սպասարկման, արձակուրդների վճարման համար և այլն: 1958 թվականին այդ նպատակի համար հատկացումները կազմել են 215 միլիարդ ռուբլի, 1953 թվականի 134 միլիարդ ռուբլու դիմաց, իսկ 1965 թվականին կազմելու են 360 միլիարդ ռուբլի:

ՍՄԿՊ XXI համագումարը ժողովրդի բարեկեցության բարձրացման ուղղությամբ մըշակել է միջոցառումների մի ամբողջ սիստեմ:

Յոթնամյակի վերջում ՍՍՌՄ ազգային եկամուտը կաճի 62—65 տոկոսով, բանվորների, ծառայողների և կուտնտեսականների ռեալ եկամուտները կաճեն 40 տոկոսով, կըվերացվեն բնակչությանից գանձվող հարկերը, կկարգավորվեն ցածր վարձատրվող բանվորների ու ծառայողների աշխատավարձը և կենսաթոշակների մինիմալ չափերը:

Ժողովրդի բարօրության նկատմամբ հոգատարության վկայություններից մեկը ըստ ժողովրդական տնտեսության ճյուղերի ու

— 20 —

տնտեսական շրջանների բանվորներին և ծառայողներին կրճատ աշխատանքային օրվա փոխադրումն ու նրանց աշխատավարձի կարգավորումն ավարտելու ժամկետների մասին ՍՄԿՊ Կենտկոմի, ՍՍՌՄ Մինիստրների Սովետի և ՀԱՄԿԽ-ի որոշումն է: Այդ որոշման կենսագործումը կարևոր էտապ կլինի ՍՍՌՄ-ում՝ աշխարհի ամենակարճատև աշխատանքային շաբաթի գործնական իրականացման ճանապարհին:

1958—1959 թվականներին յոթժամյա, իսկ ստորերկրյա աշխատանքներում 6-ժամյա աշխատանքային օրվա են փոխադրվել ածխարդյունաբերության, սև և գունավոր մետալուրգիայի, քիմիական ու ցեմենտի արդյունաբերության, երկաթ-բետոնե իրեր ու կոնստրուկցիաներ արտադրող և այլ ձեռնարկությունների աշխատավորներու: Աժմ աշխատանք է կատարվում 1959 թվականին սկսելու մեքենաշինական ու մետաղամշակման նավթի և գազի արդյունաբերության աշխատողներին կրճատ աշխատանքային օրվա փոխադրման համար:

ՍՄԿՊ Կենտկոմը, ՍՍՌՄ Մինիստրների Սովետը և ՀԱՄԿԽ-ը սահմանել են բոլոր բանվորներին և ծառայողներին կրճատ աշխատանքային օրվա փոխադրելու կոնկրետ

— 21 —

Ժամկետներ, այն հաշվով, որ յոթնամյակի առաջին երկու տարիների ընթացքում մեր երկրում ավարտվի բոլոր բանվորների և ծառայողների փոխադրումը կրճատ աշխատանքային օրվա:

Աշխատանքային օրվա տևողության կրճատման պայմաններում բանվորների և ծառայողների աշխատավարձը ոչ միայն չի նվազել, այլև նոր, բարձր դրույքներ և ուճիկներ մտցնելու կապակցությամբ էապես ավելացել է, հատկապես ցածր վարձատրվող բանվորների և ծառայողների աշխատավարձը:

Նախատեսված է կարգավորել աշխատավարձը բոլոր արտադրական և ոչ արտադրական ճյուղերում, այն հաշվով, որ այդ աշխատանքն ամբողջովին ավարտվի 1962 թվականին: Նույն ժամկետներում կվերանայվի աշխատավարձի նվազագույն չափը, որը ամսական կհասցվի 400—450 ռուբլու:

Հաջողությամբ են կենսագործվում բնակարանային շինարարության վերաբերյալ պարտիայի միջոցառումները: Բավական է նշել, որ վերջին տարիներին շահագործման է հանձնվել 119 միլիոն քառ. մետր բնակելի տարածություն, բացի դրանից գյուղական վայրերում կառուցվել է ավելի քան 1,5 մի-

— 22 —

լիոն տուն: Սովետական իշխանության 40 տարիներին կառուցվել և վերակառուցվել է 558 միլիոն քառակուսի մետր բնակելի տարածություն:

Յոթնամյակում միայն քաղաքներում կառուցվելու է 15 միլիոն բնակարան: Դա նույնն է, թե ստեղծել Մոսկվայի նման 15, Լայպցիգի նման 75, Գորկու նման 100 նոր քաղաք:

Յոթնամյակում ընդհանուր առմամբ կառուցվելու է 610 միլիոն քառակուսի մետր բնակելի տուն: Այդ նշանակում է, որ 80 միլիոն մարդ կամ բնակչության 40 տոկոսը, այսինքն երեք ընտանիքներից մեկը բնակարան են ստանալու:

Նոր հասարակարգի հաղթանակի անհրաժեշտ պայմանը կենինը համարում էր կուլտուրական ուղղությունից իրականացումը: Ղեկավարվելով կենինի ցուցումներով, Կոմունիստական պարտիան իրականացրեց իսկական կուլտուրական ուղղություն: ՍՍՌՄ-ը վերածվեց համատարած գրագիտության երկրի: Մեզ մոտ չկա ոչ մի ուսուպուբլիկա, ազգային օկրուգ, որը մայրենի լեզվով չունենա դպրոցների, կուլտուր-լուսավորական հիմնարկների լայն ցանց:



1958 թվականին հանրակրթական դպրոցներն ավարտողների թիվը անցնում է 30 միլիոնից, կամ 3 անգամ ավել է քան 1913 թվականին: Բուհերում և միջնակարգ մասնագիտական հիմնարկներում ավարտողների թիվը հասնում է 4 միլիոնի կամ 22 անգամ ավելի քան 1913 թվականին:

Կոմունիստական պարտիան ամենօրյա հոգատարություն է ցուցաբերում ժողովրդական կրթության բարելավման մասին: Այդ բանն իր արտահայտությունն է գտնում «Կյանքի հետ դպրոցի կապն ամրապնդելու և ՍՍՌՄ ժողովրդական կրթության սիստեմի հետագա զարգացման մասին» օրենքի մեջ:

Այժմ ՍՍՌՄ-ում ուսուցման բոլոր ձևերում ընդգրկված է 54 միլիոն մարդ: Այդ նշանակում է, որ մեզ մոտ յուրաքանչյուր 4-րդ մարդը սովորում է: Դասավանդումը դպրոցներում կատարվում է 66 լեզուներով: 40 ազգություն, որոնք մինչև Հոկտեմբերյան ռևոլյուցիան չունեին գիր և գրականություն, այժմ ունեն այն:

ՍՍՌՄ-ը վիթխարի հաջողությունների է հասել բարձրագույն կրթության բնագավառում: Մեր երկրում այժմ գործում է 765 բուհ, 3344 տեխնիկում և միջնակարգ մաս-

— 24 —

նագիտական հաստատություն: Բարձրագույն և միջնակարգ կրթությամբ մասնագետների թիվը հասնում է մոտ 7,5 միլիոնի, որը 39 անգամ ավելի է, քան 1913 թվականին: Մեր երկրի բուհերը 3 անգամ ավելի ինժեներներ են պատրաստում, քան ԱՄՆ-ում: Յոթնամյակում ՍՍՌՄ-ի բուհերը երկրին տալու են 2 միլիոն 300 հազար մասնագետներ: Միջնակարգ և տարրական դպրոցներում սովորողների թիվը հասցվելու է 38—40 միլիոնի, գիշերօթիկ դպրոցներում սովորելու են 2 միլիոն 500 հազար հոգի, կամ 14 անգամ ավել, քան այժմ:

Կոմունիստական պարտիան մշտական հոգատարություն է ցուցաբերում սովետական գիտության, գրականության, արվեստի, աշխատավորների կուլտուրական մակարդակի հետագա բարձրացման, սովետական մարդու անհատականության ծաղկման նրկատմամբ:

Գիտական հիմնարկների թիվը 1914 թվականի համեմատությամբ ավելացել է 10 անգամ, գիտաշխատողների թիվը՝ 28 անգամ: Այժմ մենք ունենք մոտ 3 հազար գիտական հիմնարկներ, որտեղ աշխատում են 284 հազար գիտաշխատողներ:

— 25 —

Սովետական երկրի փառապանծ ինտելիգենցիան պատվով է կատարում իր պարտքը ժողովրդի հանդեպ, բոլոր ուժերը նվիրաբերում է կոմունիստական շինարարության մեծ գործին, սովետական գիտությունը հարստացնում է նոր հայտնագործություններով, ստեղծում է գրականության և արվեստի մեր դարաշրջանին արժանի գործեր։

Ամբողջ աշխարհը հիացած է սովետական գիտնականների հաջողություններով՝ միջուկային ֆիզիկայի և ատոմային էներգիայի, ռեակտիվ ավիացիայի և հրթիռային տեխնիկայի բնագավառում։

Սովետական Միությունն ընթանում է արդիականության գիտա-տեխնիկական պրոգրեսի առջևից։ Գիտական մեծ սխրագործություններով մեր երկիրը դրեց տիեզերական տարածության նվաճման սկիզբը, որի մասին դարերով երազել է մարդկությունը։

1957 թվականի հոկտեմբերի 4-ին տիեզերական անհայտ հեռուները թռավ առաջին սովետական արհեստական արբանյակը, նրանից մեկ ամիս հետո երկինք բարձրացավ երկրորդը, իսկ 1958 թվականի մայիսի 15-ին՝ երրորդ արբանյակը, որը շարունակում է իր սրընթաց շարժումը։

1959 թվականի հունվար 2-ին դեպի Լու-

— 26 —

սին արձակվեց սովետական առաջին տիեզերական հրթիռը, որը դարձավ Արևի շուրջը թռչող առաջին արհեստական արբանյակը։

1959 թվականի սեպտեմբերի 12-ին դեպի Լուսին արձակվեց սովետական երկրորդ, իսկ հոկտեմբերի 4-ին՝ երրորդ տիեզերական հրթիռները, որոնք հասան նպատակին։ Սովետական տիեզերական հրթիռները գիտության ու տեխնիկայի նշանավոր հաջողությունն է, նոր դարագլխի նշանավորումը մարդկության կողմից տիեզերական տարածության նվաճման ասպարեզում։

Երկրի արհեստական արբանյակների և ապա արեգակնային համակարգության առաջին արհեստական մոլորակի արձակումը, երկրորդ տիեզերական հրթիռը Լուսնի վրա գցելը սովետական գիտության և տեխնիկայի տրիումֆն է։

Երկրորդ տիեզերական հրթիռի թռիչքի հետ միաժամանակ նավարկության դուրս եկավ մեծ Լենինի անունը կրող՝ աշխարհում առաջին ատոմային սառցահատը, որը կարող է մեկ տարի և նույնիսկ ավելի, չվերադառնալ բազա, փշրելով օվկիանոսների դարավոր սառույցները, նոր ուղիներ հարթել սառույցային հեռուներում։

Անգլիական «Բիրմինգհամ պոստ» թերթը

— 27 —



իր խմբագրական հոդվածում հիացմունքով գրում է. «Հասնելով այդպիսի ապշեցուցիչ հաջողության, Ռուսաստանը՝ դեպի Լուսին մեծ հրթիռ արձակող առաջին երկիրը ցույց տվեց, որ ինքը գտնվում է ամբողջ աշխարհի գիտության և տեխնիկայի ավանգարդում»։ «Նյու-Յորք թայմս»-ը գրում է. «Ամբողջ աշխարհի գիտնականները և մայրաքաղաքները ժափահարում են տեխնիկայի ասպարեզում ռուսների հաջողությունների առթիվ, դրանք ապշեցուցիչ համարելով»։

Այս բոլոր փաստերը խոսում են այն մասին, որ միայն սոցիալիզմն է ընդունակ լայն հորիզոններ բացելու արտադրական ուժերի բուռն աճի համար, միլիոնավոր մարդկանց ձիրքերի տւ տաղանդների ծաղկման համար։

Հոկտեմբերյան Սոցիալիստական Մեծ ռևոլյուցիայի պանծալի տարեդարձը խանդավառությամբ են դիմավորում սովետական բազմազգ պետության բոլոր ժողովուրդները։

Սովետական յուրաքանչյուր քաղաքացի մեր բազմաթիվ բարեկամներն արտասահմանում տեսնում են, թե ինչպիսի աննախընթաց վերելք են ապրում մեր ռեսպուբլիկաները, նյութական և հոգևոր կյանքի ինչ-

— 28 —

պիսի բարձր մակարդակի են հասել նրանք։ Մեր լայնածավալ Հայրենիքի բազմազգ ժողովուրդները միասնաբար կոմունիզմ են կառուցում, միահամուռ հավանություն են տալիս պարտիայի ու կառավարության որոշումներին և ակտիվորեն պայքարում են նրանց կենսագործման համար։

Պարտիան ժողովուրդների բարեկամությունը դիտում է որպես Հոկտեմբերյան ռևոլյուցիայի մեծագույն նվաճումը, բազմազգ սովետական պետության բոլոր հաջողությունների գլխավոր պայմանը և անդուլ հոգատարություն է ցուցաբերում նրա ամրապնդման նկատմամբ։

Ժողովուրդների բարեկամության լենինյան գաղափարների մարմնավորման վառ օրինակ է հանդիսանում վերածնված Սովետական Հայաստանը։ Սովետական իշխանության տարիներին մեր ռեսպուբլիկայում բուռն զարգացում ստացավ արդյունաբերությունը, ստեղծվեցին առաջնակարգ գործարաններ ու ֆաբրիկաներ, հիդրոկայաններ, արդյունաբերության բազմաթիվ նոր ճյուղեր, հանդես եկան նոր քաղաքներ ու արդյունաբերական կենտրոններ։ Բավական է նշել, որ ռեսպուբլիկան այժմ յուրաքանչյուր



7 օրում ավելի շատ արտադրանք է տալիս, քան 1913 թվականին:

Վերելքի ուղիով է ընթանում ռեսպուբլիկայի գյուղատնտեսությունը, գնալով ամրապնդվում է կուտնտեսությունների հանրային տնտեսությունը, բարելավվում կուտնտեսականների նյութական բարեկեցությունը:

1958 թվականին գյուղատնտեսության բրնազավառում ձեռք բերած հաջողությունների համար մեր ռեսպուբլիկան պարգևատրվեց Լենինի շքանշանով:

Ժողովրդական կրթության զարգացման, բարձրորակ մասնագիտական կադրերի առկայությունը, գիտության զարգացմամբ, Սովետական Հայաստանը ետևում է թողել ոչ միայն իր հարևան, այլև Եվրոպայի զարգացած կապիտալիստական շատ երկրների:

Յոթնամյակը հոյակապ հեռանկարներ է բացում Սովետական Հայաստանի էկոնոմիկայի և կուլտուրայի հետագա զարգացման համար: Յոթնամյա պլանի կոնտրոլ թվերով նախատեսվում է Հայկական ՍՍՌ արդյունաբերական արտադրության աճ 2,2 անգամ, գյուղատնտեսական մթերքների արտադրությունը կաճի 1,7 անգամ:

Լուրջ ուշադրություն է դարձվելու բնակա-

— 30 —

րանային շինարարությանը, ինչպես նաև աշխատավորների կուլտուր-կենցաղային սպասարկման հարցերին:

Հայաստանի աշխատավորները, ինչպես սովետական ամբողջ ժողովուրդը եռանդուն աշխատանքով կենսագործում են յոթնամյա պլանի հոյակապ խնդիրները:

Արդյունաբերության աշխատողները ծավալելով համաժողովրդական սոցիալիստական մրցությունը՝ ժամկետից շուտ կատարեցին յոթնամյակի առաջին տարվա կիսամյա պլանը:

Ռեսպուբլիկայի արդյունաբերությունը առաջին կիսամյակի համախառն արտադրանքի պլանը կատարել է 104 տոկոսով, անցյալ տարվա նույն ժամանակամիջոցի համեմատությամբ, ապահովելով արտադրության ծավալի 12 տոկոս աճ: Ծանր արդյունաբերության արտադրանքի կարևորագույն շատ տեսակների արտադրության առաջին կիսամյա պլանը գերակատարված է: Առանձնապես նշանակալից են քիմիական արդյունաբերության զարգացումը, որ 22 տոկոսով ավելացրել է իր բազմատեսակ արտադրանքի թողարկումը: Կիսամյակում պլանից ավելի արտադրվել են մեծ քանակությամբ գործվածքներ, գուլպա և



նասկի, տրիկոտաժեղեն, կոշիկ, կահույք, շաքարավազ, կաթնամթերք և այլն: Կոլտնտեսություններն ու սովխոզները այս տարվա գարնանը գցեցին 2738 հեկտար նոր պտղատու և խաղողի այգիներ:

Անասունների գլխաքանակի աճի հետ միասին ավելացավ անասնաբուծական մթերքների արտադրությունը: Մսի արտադրությունը 1958 թվականի առաջին կիսամյակի համեմատությամբ ավելացավ 16,3 տոկոսով, կաթինը՝ 4,6 տոկոսով, ձվինը՝ 27,4 տոկոսով, բրդինը՝ 1,8 տոկոսով:

Այժմ կոլտնտեսային գյուղի աշխատավորները հավաքում են իրենց անձնվեր աշխատանքով աճեցրած առատ բերքը:

Վերելք է ապրում հայ ժողովրդի ձևով ազգային, բովանդակությամբ սոցիալիստական կոլտուրան: 1958—1959 թվ. տարում սովորողների թիվը կազմում էր 291,5 հազար մարդ: Բուհերն ու միջնակարգ մասնագիտական ուսումնական հաստատությունները տվել են 7 հազարից ավելի երիտասարդ մասնագետներ, այդ թվում 2,2 հազար ինժեներներ ու տեխնիկներ. գյուղատնտեսության 1,8 հազար մասնագետ-

— 32 —

ներ, 1,8 հազար մանկավարժներ, ավելի քան 500 բժշկական աշխատողներ:

Հայրենական գիտության զարգացման գործում արժեքավոր ներդրում են կատարում ռեսպուբլիկայի գիտական-հետազոտական հիմնարկները, տարեցտարի ընդլայնվում է կոլտուր-յուսավորական հիմնարկների ցանցը, ավելանում է թերթերի, ամսագրերի թիվը, գրքերի հրատարակումը: ՍՍՌՄ ժողովուրդների եղբայրական ընտանիքում հայ ժողովուրդը վստահորեն և հաստատ կերպով գնում է դեպի կոմունիզմ:



Հոկտեմբերյան Սոցիալիստական Մեծ ռևոլյուցիայի պանծալի 42-րդ տարեդարձը, սոցիալիզմի կառուցման գործում ձեռք բերած նորանոր նվաճումներով են դիմավորում ժողովրդական դեմոկրատիայի երկրների աշխատավորները: Նրկրորդ համաշխարհային պատերազմից հետո սոցիալիզմի լազերի կազմավորումը և Չինական, Ժողովրդական Ռեսպուբլիկայի ստեղծումը համաշխարհային պատմության ամենակարևոր իրադրությունն են Հոկտեմբերյան ռևոլյուցիայից հետո ընկած ժամանակաշրջանում:

— 33 —

Հասարակական զարգացման ամբողջ ընթացքը վերջին տասնամյակներում անհերքելիորեն հաստատում են մեծ Հոկտեմբերի գաղափարների կենսահաստատ ուժը և անհաղթելիությունը: Այդ ժամանակամիջոցում այնպիսի ունույնցիոն վերափոխություններ են կատարվել, որոնք արմատապես փոխել են ամբողջ ժամանակակից աշխարհը: Ընդամենը 42 տարի է անցել, երբ «Ավրորա» հաժանավի հրանոթային համազարկերը ազդարարեցին մարդկության պատմության մեջ նոր դարագլխի՝ կապիտալիստական ստրկությունից բոլոր աշխատավորների ազատագրման և սոցիալիզմի դարագլխի սկսվելու մասին: Անցավ որոշ ժամանակ և լենինիզմի դրոշով, Եվրոպայի և Ասիայի մի շարք երկրներում հաղթանակեց սոցիալիստական ունույնցիան, ստեղծվեց սոցիալիզմի համաշխարհային սիստեմը, որտեղ ապրում է մոտ մեկ միլիարդ մարդ և արտադրվում է համաշխարհային արդյունաբերական արտադրանքի մեկ երրորդից ավելին:

Բուռն թափով զարգանում է ժողովրդական դեմոկրատիայի երկրների ժողովրդական տնտեսությունը և կուլտուրան: Սոցիալիստական երկրների արդյունաբերա-

— 34 —

կան արտադրանքը 1958 թվականին, 1937 թվականի համեմատությամբ, ավելացել է 5 անգամ:

Չինական ժողովրդական Ռեսպուբլիկան 1950—1958 թ. թ. արդյունաբերական արտադրանքն ավելացրել է 10 անգամ: Լեհաստանում նախապատերազմյան ժամանակաշրջանի համեմատությամբ այն ավելացել է ավելի քան 5,5 անգամ, Չեխոսլովակիայում՝ 3,3 անգամ, Գերմանական Դեմոկրատական Ռեսպուբլիկայում՝ ավելի քան 2,5 անգամ, Ռումինիայում՝ մոտ 4 անգամ, Հունգարիայում՝ ավելի քան 4 անգամ, Բուլղարիայում՝ մոտ 9 անգամ, Ալբանիայում՝ 18 անգամ, Կորեական ժողովրդա-Դեմոկրատական Ռեսպուբլիկայում արդյունաբերական արտադրանքը 1949 թվականի համեմատությամբ, ավելացել է 3,5 անգամ: Լեհաստանը, Հունգարիան, Ռումինիան, Բուլղարիան դարձել են ինդուստրիալ-ագրարային երկրներ, զարգացած ծանր արդյունաբերությամբ, Չինաստանը ագրարայինից վերածվում է ինդուստրիալ-ագրարային երկրի: Հաջողությամբ իրագործվում է գյուղատնտեսության կոոպերացումը: Չինաստանում, Բուլղարիայում և ԿԺԴՄ-ում արդեն ավարտվել է գյուղատնտեսության

— 35 —



կոռպերացումը, ավարտվելու վրա է Չեխոսլովակիայի և Ալբանիայի գյուղատնտեսության սոցիալիստական վերակառուցման գործը, կոռպերացումը լայնորեն ծավալվում է մյուս երկրներում:

Սոցիալիստական ինդուստրացման և գյուղատնտեսության կոռպերացիայի շնորհիվ ժողովրդական դեմոկրատիայի որոշ երկրներ արդեն թեակտիսել են սոցիալիզմի կառուցումն ավարտելու ժամանակաշրջանը, իսկ մյուս երկրներում հաջողությամբ առաջ է ընթանում սոցիալիստական հասարակարգի հիմքերի ստեղծումը:

Բնակչության մեկ շնչին ընկնող արդյունաբերական արտադրանքի արտադրությամբ համաշխարհային սոցիալիստական սիստեմը ամբողջությամբ վերցրած, արդեն հասել է համաշխարհային կապիտալիստական սիստեմին: Սոցիալիստական երկրներին բաժին է ընկնում համաշխարհային արդյունաբերական արտադրության մեկ երրորդից ավելին, հացահատիկի համաշխարհային արտադրության գրեթե կեսը և բամբակի 13 տոկոսը:

ՍՍՌՄ ժողովրդական տնտեսության յոթնամյա պլանի կատարման ու գերակատարման, ինչպես նաև ժողովրդական դե-

— 36 —

մոկրատիայի երկրների էկոնոմիկայի զարգացման բարձր տեմպերի շնորհիվ, համաշխարհային սոցիալիստական սիստեմի երկրները կարտադրեն ամբողջ համաշխարհային արդյունաբերական արտադրանքի ավելի քան կեսը:

Հոկտեմբերյան ռևոլյուցիան դաճավոր ներհից արթնացրեց և ազգային-ազատագրական ընդհանուր պայքարի մեջ ներքաշեց գաղութային ու կախյալ երկրների միլիոնավոր մարդկանց, սկիզբ դրեց իմպերիալիզմի գաղութային անարգ սիստեմի փլուզմանը:

Կապիտալիստական երկրների բանվոր դասակարգը, աշխատավորների լայն խավերը ավելի ու ավելի են համոզվում հասարակության սոցիալիստական սիստեմի անվիճելի առավելությունների մեջ, սոցիալիզմի մեջ նրանք տեսնում են ելքը այն փակուղուց, որին հասցրել է կապիտալիզմը: Նրանք տեսնում են, թե ինչեր է անում կապիտալի կապանքներից ազատագրված և իր բախտը սեփական ձեռքը վերցրած, երկրի բոլոր նյութական ու հոգևոր արժեքները տնօրինող սովետական մարդը:

Հոկտեմբերյան ռևոլյուցիայի 42-րդ տարեդարձը սոցիալիզմի լազերի երկրների ժո-

— 37 —

ղովուրդները դիմավորում են խաղաղության  
ուժերի նոր հաղթանակների իրադրության  
մեջ: Սովետական Միությունը անշեղորեն  
առաջնորդվում է տարբեր հասարակա-  
կան քաղաքական կարգ ունեցող պետութ-  
յունների խաղաղ գոյակցության լենինյան կուր-  
սով, հետևողականորեն պայքարում է խա-  
ղաղության և ժողովուրդների անվտանգու-  
թյան ապահովման համար, վաշելում է հո-  
ղագնդի բոլոր ազնիվ մարդկանց մեծա-  
գույն վստահությունը և համակրանքը:  
ՍՍՌՄ կառավարության ջանքերի և խաղա-  
ղասեր ուժերի անդուլ պայքարի շնորհիվ  
«սառը պատերազմի» սառույցը ոչ միայն  
ճեղքվածք է տվել, այլև սկսել է կոտրատ-  
վել: «Սառը պատերազմը» տարիներ շարու-  
նակ միլիտնավոր մարդկանց մեջ ստեղծել  
է տագնապ վաղվա օրվա համար, որպես  
ծանր բեռ ընկել է աշխատավորների ուսե-  
րին:

Սովետական Միությունը հետևողականո-  
րեն վարելով տարբեր հասարակարգ ունե-  
ցող պետութայունների խաղաղ գոյակցության  
լենինյան քաղաքականութայուն, հետևողա-  
կան պայքար է մղում միջազգային լարվա-  
ծության թուլացման, խաղաղության և ժո-

— 38 —

ղովուրդների անվտանգության ապահովման  
համար:

Ամբողջ աշխարհի աշխատավորների ու-  
շադրության կենտրոնում է գտնվում Սովե-  
տական Միության Մինիստրների Սովետի  
Նախագահ ընկեր Ն. Ս. Խրուշչովի և ԱՄՆ-ի  
պրեզիդենտ Էյզենհաուերի հանդիպումը:  
Նրանք վառ հույսեր են տածում, որ այդ  
հանդիպումը բարերար ազդեցութայուն կգոր-  
ծի ոչ միայն երկու ամենահզոր պետու-  
թյունների հարաբերութայունների բարելավ-  
ման վրա, այլև մեծապես կնպաստի երկ-  
րագնդի մնացած մասերում խաղաղության  
և դեմոկրատիայի գործի հաղթանակին:

Բոլոր երկրների ժողովուրդները որպես  
խաղաղության բախտի նկատմամբ սովե-  
տական կառավարության անդուլ հոգատա-  
րության նոր վառ դրսևորում ընդունեց  
ԱՄՆ-ում գտնված ժամանակ ՄԱԿ-ի Գլխա-  
վոր Ասամբլեայում ՍՍՌՄ Մինիստրների  
Սովետի Նախագահ ընկեր Ն. Ս. Խրուշչովի  
ելույթը և ընդհանուր ու լրիվ զինաթափ-  
ման մասին ՄԱԿ-ի քննարկմանը ներկա-  
յացրած սովետական կառավարության դեկ-  
լարացիան, որոնց մեջ շարադրված են խա-  
ղաղության ամրապնդման պարզ ու հստակ  
ծրագիրը:



«Սովետական կառավարությունը, բազմակողմանիորեն քննարկելով ստեղծված իրադրությունը,— ասաց ընկեր խրուշչովն իր ելույթում,— հանգեց այն հաստատ համոզման, որ փակուղուց ելքը պետք է որոնել ընդհանուր և լրիվ զինաթափման մեջ: ...Հենց ընդհանուր և լրիվ զինաթափումը կվերացնի մասնակի զինաթափման հարցերը քննարկելիս առաջ քաշվող բոլոր պատենշները և տեղի կհարթի համապարփակ, լիակատար վերահսկողություն հաստատելու համար»:

Սովետական կառավարության գեկլարացիան նախատեսնում է շորս տարվա ընթացքում ցրել բոլոր զինված ուժերը և արգելել դրանց վերականգնումը, ոչնչացնել ռազմական տեխնիկայի, սպառազինությունների և մարտական պաշարների բոլոր տեսակները, լրիվ արգելել միջուկային զենքեր և վերացնել նրա պաշարները, լրիվ դադարեցնել հրթիռային զենքի բոլոր տեսակների՝ ներառյալ ռազմական նշանակություն ունեցող տիեզերական հրթիռների արտադրությունը և ոչնչացնել դրանք, արգելել քիմիական ու բակտերիոլոգիական պատերազմի միջոցները և ոչնչացնել զենքի այդ տեսակների պաշարները, վերաց-

— 40 —

նել ուրիշի տերիտորիաներում ռազմական բազաները և հրթիռների արձակման բոլոր հարմարանքները, վերացնել ռազմական արտադրությունը, վերացնել ամեն տեսակ զինվորական ծառայությունները և ռազմական գործի յուրացումը, վերացնել ռազմական մինիստրությունները և այլն:

Ժողովրդական տնտեսության, գիտության ու կուլտուրայի զարգացման գործում ձեռք բերած հաջողությունների համար սովետական ժողովուրդը պարտական է Կոմունիստական պարտիային, նրա լենինյան Կենտրոնական Կոմիտեին: Կոմունիստական պարտիայի իմաստուն, հեռատես քաղաքականությունը կոմունիզմի նոր հաղթանակների երաշխիքն է ՍՍՌՄ-ում:

Ավելի քան իր կեսդարյա գործունեության մեջ ու ժողովրդի շահերին անձնվեր ծառայության մեջ, կոմունիզմի գաղափարների համար մղած պայքարով Կոմունիստական պարտիան ձեռք է բերել ժողովրդի վստահությունը, վայելում է նրա անսահման սերն ու հարգանքը:

Այժմ բոլորը տեսնում են, որ լենինյան պարտիան պատվով է կատարում կոմունիզմի համար սովետական ժողովրդի պայքարը կազմակերպողի և ռգեշնչողի իր դե-

րը: Սովետական ժողովուրդը միահամուռ հավանութիւն է տալիս պարտիայի ներքին ու արտաքին քաղաքականութեանը, այն համարելով իր կենսական հարազատ գործը և ակտիվորեն պայքարում է պարտիայի որոշումների կենսագործման համար: Կոմունիստական պարտիայի ղեկավարութեամբ ստեղծագործական անսպառ ուժերով լի սովետական ժողովուրդը հաջողութեամբ կենսագործում է կոմունիզմի կառուցման յոթնամյա պլանը:

Յոթնամյակը նոր, վճռական քայլ է մեր երկրի պատմական զարգացման ճանապարհին, «Կոմունիստական պարտիան, — ասաց ընկեր Խրուշչովը ՍՄԿՊ XXI համագումարում, — ամբողջ սովետական ժողովուրդը լի են հաստատ վստահութեամբ, որ իրենք կգրավեն նաև այդ սահմանագիծը և դուրս կգան լայն բարձրավանդակ, և այդ ժամանակ կբացվեն նոր հորիզոններ, այդ ժամանակ ավելի հեշտ կլինի առաջ ընթանալը»:

Յոթնամյա պլանի հաջողութիւնը վճռում են մարդիկ, մեր աշխատավորները: ՍՄԿՊ XXI համագումարին հաջորդած կարճ ժամանակաշրջանը նույնպես վառ կերպով ցույց է տալիս, թե ինչպես մեր անծայրա-

— 42 —

ծիր Հայրենիքի աշխատավորները, ժողովրդական տնտեսութեան բոլոր ճյուղերի, գործարանների ու ֆաբրիկաների կոլտնտեսութիւնների, սովխոզների աշխատողները, յուրաքանչյուր արտադրական տեղամաս, մեծագույն խանդավառութեամբ ձեռնամուխ է եղել յոթնամյա պլանի, կոմունիզմի կառուցման, պատմութեան մեջ իրեն հավասարը չունեցող հոյակապ ծրագրի կենսագործմանը:

Մոսկվայի և Լենինգրադի մեքենաշինարարները, Ուկրաինայի մետալուրգներն ու ածխահատները, Բաշկիրիայի նավթագործները, Ուրալի շինարարները, Գորկու քիմիագործները, Բելոռուսիայի արդյունաբերութեան, Ղազախստանի գունավոր մետալուրգիայի աշխատողները, Իվանովոյի տեքստիլագործները հանդես եկան յոթնամյակը ժամկետից շուտ կատարելու միլիոնների շարժման նախաձեռնողներ: Վլադիմիրի և Սվերդլովի տնտեսական շրջանների աշխատողները խնդիր դրեցին ներքին ռեզերվներն ավելի լավ օգտագործելու շնորհիվ յոթնամյակի համար նախատեսված արտադրութեան մակարդակին հասնել ժամկետից շուտ, ԴՍՖՍՌ, Ուկրաինայի, Բելոռուսիայի, Ղազախստանի, Վրաստանի,

— 43 —



Ուղբեկատանի, Հայաստանի և այլ ռես-  
պուբլիկաների գյուղատնտեսության աշխա-  
տավորները պարտավորվել են ժամկետից  
շուտ կատարել յոթնամյա պլանը:

Բանվոր դասակարգի, կոլտնտեսություն-  
ների, գյուղատնտեսության և սովետական  
ինտելիգենցիայի քաղաքական և աշխա-  
տանքային բարձր ակտիվությունը, նրանց  
անձնուրաց աշխատանքը պարտիայի և կա-  
ռավարության շուրջը համախմբվածությու-  
նը այն բանի երաշխիքն են, որ յոթնամյա  
պլանը ոչ միայն կկատարվի, այլև կգերա-  
կատարվի: Դրանով իսկ Սովետական Միու-  
թյունը նոր խոշոր առաջընթաց քայլ կանի  
կոմունիզմի կառուցման ճանապարհին:

Զինված համագոմարի պատմական որո-  
շումներով, է՛լ ավելի սերտորեն համա-  
խմբելով մեր շարքերը հարազատ Կոմու-  
նիստական պարտիայի և նրա լենինյան  
Կենտրոնական Կոմիտեի շուրջը, սովետա-  
կան ժողովուրդը ստեղծագործական ան-  
սպառ ուժերով ի, վստահորեն և հաստատ  
կերպով առաջ է գնում դեպի կոմունիզմ:

---

## ԵՂՐԱՅՐԱԿԱՆ ՍՈՑԻԱԼԻՍՏԱԿԱՆ ԵՐԿՐՆԵՐՈՒՄ

---

### ԱՐԲԱՆԱԿԱՆ ԺՈՂՈՎՐԴԱԿԱՆ ՌԵՍՊՈՒԲԼԻԿԱՅԻ ՆՈՐ ՀԱՁՈՂՈՒԹՅՈՒՆՆԵՐԸ

Նոյեմբերի 29-ին լրանում է Ալբանական  
Ժողովրդական Ռեսպուբլիկայի ազատագր-  
ման 15-րդ տարեդարձը: Երկրորդ համաշ-  
խարհային պատերազմի տարիներին ալբա-  
նական հերոսական ժողովուրդը արիաբար  
մարտնչում էր իր հայրենիքը օկուպացրած  
իտալո-գերմանական ֆաշիստների դեմ: Ֆա-  
շիզմի լծից ազատագրման գործում ալբա-  
նական ժողովրդին մեծագույն օգնություն  
ցույց տվեց Սովետական Միությունը: Բալ-  
կաններում Սովետական Բանակի կողմից  
հիտլերյան զոքերի ջախջախումը նպաստա-  
վոր պայմաններ ստեղծեց Ալբանիայի ա-  
զատագրման համար:

1944 թվականի նոյեմբերի 29-ին ալբա-  
նական ժողովրդական բանակը երկրից դուրս  
շարժեց ֆաշիստական օկուպանտներին:  
Ալբանիայի ազատագրման հենց այդ օրն էլ  
հռչակվեց որպես ազգային տոնի օր:

Իմպերիալիզմի կապանքներից ազատա-



գրաված ալբանական ժողովուրդը ժողովրդական տնտեսության և կուլտուրայի ծաղկման իսկական վերելք ապրեց: Ժողովրդական իշխանության տարիներին, Ալբանիայի Աշխատանքի պարտիայի գլխավորությամբ, ալբանական ժողովուրդը սոցիալ-տնտեսական վերափոխման արմատական միջոցառումներ է կատարել: Երկրում ոչընչացվել է միապետությունը և հաստատվել են դեմոկրատական կարգեր: Ազգայնացվել է ամբողջ արդյունաբերությունը և տրանսպորտը: Անց է կացվել ագրարային ռեֆորմ: Կարճ ժամանակամիջոցում Ալբանիան հետամնաց ագրարային երկրից դարձել է ագրարային-ինդուստրիալ երկիր:

Դեմոկրատական կարգերի հաստատումից հետո ալբանական ժողովուրդը, Սովետական Միության անշահախնդիր օգնությամբ, հրակայական հաջողություններ է ձեռք բերել արդյունաբերության, գյուղատնտեսության և կուլտուրայի զարգացման ուղղությամբ:

1938 թվականին արդյունաբերական արտադրանքը, երկրի ամբողջ էկոնոմիկայի մեջ, կազմել է միայն 18 տոկոս: 1955 թվականին, առաջին հնգամյա պլանը հաջողությամբ կատարելու շնորհիվ արդյունաբերական արտադրանքը կազմեց 43,5 տոկոս, իսկ

— 46 —

գյուղատնտեսությանը՝ 56,5 տոկոս: 1955 թվականին արդյունաբերական արտադրանքի ընդհանուր ծավալը, 1938 թվականի համեմատությամբ, աճել է գրեթե 11 անգամ: Ածխի արդյունաբերությունը 1955 թվականին 53 անգամ ավելի շատ արտադրանք է տվել, քան 1938 թվականին: Այդ տարիների ընթացքում քրոմի հանքաքարի հանույթը ավելացել է 16 անգամ, էլեկտրաէներգիայի արտադրությունը՝ 9 անգամ, թեթև արդյունաբերությունը՝ 25 անգամ: 1955 թվականին, ամեն մի շնչին հասնող ածխի, նավթի, քրոմի և պղնձի հանքաքարի հանույթով Ալբանիան ավելի շատ արտադրանք է տվել, քան Հունաստանը, Թուրքիան և Իտալիան:

Երկրորդ հնգամյա պլանի առաջադրանքների համաձայն 1956—1960 թվականներին, արդյունաբերության համախառն արտադրանքի ծավալը, 1938 թվականի համեմատությամբ ավելանալու է ավելի քան 21 անգամ:

Երկրում ստեղծված ագրարային ռեֆորմի հետևանքով 70 հազար 211 չքավոր և հողազուրկ գյուղացիական տնտեսություններ ըստացել են 173 հազար հեկտար հող, հարյուր-հազարավոր ձիթենու ծառեր, հազարավոր գլուխ բանող անասուն, գյուղատրն-

— 47 —



տեսական բազմաթիվ գործիքներ և այլն: 1956 թվականին, 1938 թվականի համեմատությամբ, հացահատիկային կուլտուրաների արտադրությունը կազմել է 167 տոկոս, ցանքատարածությունը՝ 170 տոկոս: 1960 թվականին ցանքային տարածությունները, միջպատերազմյանի համեմատությամբ, կավելանա երկու անգամ: Ալբանիայում ստեղծված է մոտ 1600 գյուղատնտեսական կոոպերատիվներ, որոնք զբաղեցնում են երկրի ամբողջ հողային տարածությունների 52 տոկոսը:

Ալբանիայի Աշխատանքի պարտիան և ժողովրդական կառավարությունը լուրջ ուշադրություն են դարձնում աշխատավորության նյութական բարեկեցության բարելավման վրա: Նախատեսված է երկրորդ հնգամյակում երկրի ազգային եկամուտը ավելացնել 53 տոկոսով: Առաջին հնգամյակում աշխատավորների ռեալ աշխատավարձը ավելացել է 20 տոկոսով, իսկ գյուղացիության եկամուտները՝ 35 տոկոսով: Երկրորդ հնգամյա պլանի դիրեկտիվների համաձայն նախատեսված է բանվոր-ծառայողների ռեալ աշխատավարձը բարձրացնել 25 տոկոսով, իսկ գյուղացիության երկամուտները՝ 18 տոկոսով:

— 48 —

Մինչև պատերազմը՝ Ալբանիայի ամբողջ ազգաբնակչության միայն 17 տոկոսն էր գրագետ: Ներկայումս մինչև 40 տարեկան հասակ ունեցող բնակչության մեջ անգրագիտությունը լիովին վերացված է: Առաջին ինստիտուտը Ալբանիայում բացվել է 1946 թվականին: 1957 թվականին, երկրի ամբողջ պատմության մեջ առաջին անգամ բացվել է համալսարան, որտեղ ներկայումս սովորում են մոտ 2 հազար ուսանող: Մինչև պատերազմը Ալբանիայում կար ընդամենը 2 լրագիր: Ներկայումս երկրում լույս են տեսնում 12 լրագիր և 33 ամսագիր: Վերջին 14 տարվա ընթացքում ավելի շատ գրքեր են հրատարակվել, քան նախորդ 400 տարվա ընթացքում: Առաջներում Ալբանիայում ոչ մի թատրոն չի եղել, ժողովրդական իշխանության տարիներին բացվել է 5 պրոֆեսիոնալ թատրոն, բացի դրանից գոյություն ունի նաև ավելի քան 1000 ինքնագործ թատրոն:

Հավատարիմ մնալով մարքսիզմ-լենինիզմի մեծ ու ամենահազիժ ուսմունքին, Ալբանիայի Աշխատանքի պարտիան ալբանական ժողովրդին վստահորեն տանում է սոցիալիզմի կառուցման ուղիով:

# СОДЕРЖАНИЕ

Стр.

Материалы для докладов и бесед	
42-я годовщина Великой Октябрьской Со-	
циалистической революции . . . . .	1
В братских социалистических странах	
Новые успехи Народной Республики Алба-	
нии . . . . .	45

Отдел пропаганды и агитации  
ЦК КП Армении  
БЛОКНОТ АГИТАТОРА

№ 19

1959 г.

ՀԶ 07225

Պատվեր 633

Տիրաժ 8565

ՀՍՍՌ Կուլտուրայի մինիստրության, հրատարակչու-  
թյունների և պոլիգրաֆ արդյունաբերության գլխավոր  
վարչության II տպարան, Երևան Կոմկոմիտեի № 8,  
Գինը 50 կոպ.: